

cere, et in diiudicandis causis litigantium ad illas respicere haud dubitauerint. Accedit, quod ius Saxonicum in Polonia inualefcens in dies maiora incrementa acceperit. Boleslaus enim, qui pudicus cognominatur, probe intelligens, cum aduentantibus Germanis haud parum vtilitatis et commodi in Poloniam proficisci, fimulque cum ipsis artes, opificia, fcientias, ne dicam morum ciuilitatem et humanitatem accerfiri, ex ratione quadam politica circa annum 1257. urbem Cracouiensem iure Saxonico feu Magdeburgensi ftabiliuit, vt eo plures Germanorum coloniae in Poloniam allicerentur, et ad fedem ibi figendam inuitarentur. Vid. DLVGOSVS *l. c. L. 7. p. 750.* „*Vrbem fuam Cracouiensem Boleslaus „pudicus Cracouiensis et Sandomiriensis Dux ad incrementa, „quae sub Polonis et iure Polonico afsequi non poterat, per- „ducturus, ius illi largitur Srzedense feu Theutonicum, ad- „vocatumque in ea conftituit.*“ Add. FRANCISCI MARINII *diff. de fcopo Reipubl. Polon. cap. 7.* Eiusmodi Germanorum colonis per pleniffimum iurium fuorum exercitium in ipfa Polonia inducta libertas, effecit, vt eo frequentior confluxus aduenarum ibi fieret. Teftantur enim *Annales Wratislauenfes ad a. 1264. ap. DE SOMMERSBERG l. c. Tom. II. p. 173.* eo tempore permagnum numerum Germanorum in Poloniam transmigraffe. „Tanta enim (inquit annalifta) fames erat in „Allemania, vt multi relictis agris et poffeffionibus fuis irent in „Poloniam.“ De fame autem, quae tanquam caufa huius transmigrationis adducitur, apud alios chronographos nihil reperio. Quanta vtilitas et quanta commoda ex accerfitione harum coloniarum redundauerint in Poloniam, confpicitur ex DLVGOSSE *l. c. L. 9. p. 1082.* qui ita: „Regnum Poloniae „tam in vrbibus, quam in vicis et rure per Almanos et fo- „renfes cultum et habitabile effectum, et hominibus Polonis „mitia magisque iufta et modelta prouenere ingenia.“